

aller Dinge / Gott vnsern Himmlischen Vatter / daß er vn-
sere Herzen erleuchten wolle / damit wir des wahren Liechts
dieser edlen Kunst mögen theilhaftig werden / vnd desselbigens
rechten eygendtlichen Verstand erreichen.

Was die Præparation oder Vorbereitung dieser Kunst der Alchimy sey.

Das II. Cap.

SJe Metall præpariren oder vorbereiten ist anders nichts /
als dieselbige feinieren / säubern vnd von allē Unraht reis-
nigē: Damit die Unsauberkeit die Operation oder Würckung
gē / so man etwan damit vor hat / nicht verhindere: Als daß man
das Quecksilber von dem Bley vnd Zinn / welche es gleichsam in
gewisse Schrancken einschliessen vñ seinen freyen Lauff verhin-
dern / loß mach vnd reinige: Wie gleichfals auch das Kupffer:
Das Bley von der darin vermischten Erden: Das Gold von
dem Silber vnd so fort an: Vnd welche Metall also gereinigt
sind / von denen sagt man / sie seyen præparirt. Dergleichen
man dann mit allen halben vnd andren Mineralien thun kan /
pfllegt allezeit vor der Calcination zugeschehen. Damit in den
Geschäften vnd Würckungen der Mineralien kein Hindernis
vorfalle / wenn man durch die Solution der Metall / als
welche / wie gesagt / erst nach der Calcination verrichtet wirdt /
(wo fern man anderst den stracken vnd richtigen Weg
gehen wil) etwas vernemmen vnd
verrichten wil.

Was